

www.BibleForChildren.org

Matiusse 1



Kena Elisabete ikeu blublulu bulana ne peneka me otoi Yudea, Alla Iulake malekate Gabriele ikeu me hena Nasarete, me otoi Galilea, loko bina sae me eni nane Maria, intulu kai mokwai mosa. Maria kai mokwai sae me eni nane Yusupe, irulu bei kamale Dauta, luasi naku ete Alla me tamata oasi peneka be namake luasi kai lomai po luasi ntulu kai lomai mosa. Maria kai Elisabete, luasi upu esa.



Eleki Gabriele ibeteke lokoi be,
"Maria, rilamu yake, le asupu misete
bei Alla, hoko takwali moneka,
akeu blublulu kai aruele kwete
mokwai, eleki suke aono Eni
nane Yesuse. Kwetele mere
namake Eni kbasare ela kai
tamata esi kotiNe Alla Elake
titinaije Eni Nanae. Kai Tuhane
Alla Iono Ipleta kena Eni ntuane
mena kamale Dauta lakwaije, kai
Iono kamale ete nusa Israele esi

anubuaru eti pela.
Ipleta rame eti pela."



Eleki Maria ibeteke loko Gabriele be,
"Po meije au kai mosa kai au ntulu
kai mokwai mosa, hoko abeteke au
keu blublulure eono elia?"

Gabriele iombe, "Namake Ro
Misete Ikusu kenamu
hoko Alla Eni kbasa
rebe ktili titinaije
eono akeu blublulu."



"Bei mere hoko Kwetele rebe namake
arueleIje kotiNe misete titinai le
Eni dosa sae mo, Alla Elake
titinaije Eni Nanae."



Bei mere eleki takwali mo Maria ikeu sosoli
lolete kota sae ndete ulate babai, ndete
otoi Yudea. Kena iluake, ikusu me Sakaria
eni luma eleki ibeteke
hlamate loko Elisabete,
Sakaria eni bina.
Elisabete kai Mariare
luasi upu esa.



Eleki kena Elisabete ilene Maria ibeteke
hlamate lokoije, kwetele rebe Elisabete
ikeu blublulu leije ialeli, kai Elisabete isupu
kbasa bei Ro Misete, hoko
laleije ndina titinai eleki
ibeteke loko Maria
kena na elake be,
"Kwaliku Maria! Alla
Iono misete etemu
peneka, lesi bei
pusue ami bina
maketaru, kai Alla
Iono misete ete

Kwetele rebe akeu
blublulu leIje."




Ruele Yesuse, Maka Hlamate
elere: Kena inaI Maria kai
Yusupe luasi lalesi esa kena
kai lomai, kena luasi rue kai
lomai lupe bina mokwai
mosa, Maria ikeu
blublulu peneka bei
Ro Misete Eni
kbasare. Hoko
Yusupe, lalei kena ihleke
Maria ndendene le Yusupe
iono lulu tamata Yahudiaru
esi atataru titinai kai isuka
kena iono asomie eni bina
ete tamata bokala mo.



Po kena inoake mere, ikmani kena Tuhane Eni malekate ibeteke lokoi be, "Yusupe, kamale Dauta eni anubu, rilamu kena rana Maria kena amu bina yake, le kwetele rebe ikeu blublulu leI mere bei Ro Misete Eni kbasa. Namake pine iruele kwete mokwai, hoko aono Eni nane Yesuse, le Ile mere pine Iono hlamate Eni tamata Yahudiaru bei esi dosaru."



Eleki kena Yusupe ibeture, saisa rebe Tuhane Eni malekate ibeteke eteije iono lulue. Eleki ikai kai Maria ne, po intulu kaini mo eti iruele Kwete mokwai mere. Kai kena ruele Kwetele mere, Yusupe iono Eni nane Yesuse.



Takwali mo bei ruele Yohanese, kamale elake kaisare
Agustuse, iono Kaisare kena pusue Roma esi nusaru.
Ipleta leke pusue tamata
me Roma esi nusaru kusue
nane leke rekwa
tamata esi
bokalaru.



Hoko pusue tamata suke
leu me eni hena kena kusue nane.



Eleki Yusupe ikeu bei ndi hena Nasarete, me otoi Galilea, lopai kamale Dauta eni kota Betleheme, me otoi Yudea, le irulu bei kamale Dauta.



Yusupe ikeri kai Maria leke luasi kusue nane. Le luasi naku ete Tuhane me tamata oasi kena kai lomai peneka. Kena mere Maria ikeu blublulu peneka.



Eleki kena esi
luake, Maria eni
petu kena ruele
eni nanare
peneka.



Eleki iruele eni nanae mokwai, eni nanae menai, eleki ikopaI kena obite kai iateleai kena binatanaru esi manane lakwaije, le sokati kena sebae takwali leke esi rue kenare sae mo.



Kena petu mere esi kpeture, lau bei kota Betleheme
mo tamata maka raka domba sie ilaru esi raka
dombaru me melate, otoi kena alalu.

Eleki Tuhane Eni malekate

iaselukeni
lokosi.

Eleki hitate
elake bei
Tuhane

ehitasi me otoi
mere hoko
rilasi titinai.



Po malekate mere ibeteke lokosi be, "Rilami yake! Le
au luake lokomi kena beteke sou misete
rebe eono imi kai pusue tamata
lalemi ndina titinai."



"Petu meije, ruele Kwete mokwai nda Betleheme,
kamale Dauta eni henare peneka. Kwetele mere
imi Maka Hlamate. Ile rebe Alla
IulakeNi kena Iono



hlamate
ete
tamata,
iteki
Tuhane."



"Kai imi keu pine imi selu Kwete tone, kopaI kena obite kai ateleI kena binatangaru esi manane lakwaije, hoko Kwetele mere pine rebe au betekeNi ete imire."



Kena mere neka, malekata bokala bei ndete
surga esi sakesa kai malekate mere,
esi menani isike Tuhane be, ...



... "Ami isike Tuhane Elake ndete surga!
Tamata rebe iono Tuhane laleIje
ndinare, isupu rue mise kai Tuhane."




Eleki kena malekata meru esi leu beisi lolete surga peneka, eleki maka raka dombaru esi lepa loko lomai be, "Mai, ite keu lora Betleheme leke selu saisa rebe eono ete ndare, rebe Tuhane Ibeteke ete itere."



Eleki esi keu sosoli neka, eleki kena esi tetue Maria
kai Yusupe, Kwetele mere Intulu kena binatangaru esi
manane lakwaije. Kena esi selu Kwetele mere peneka,
esi keu alenake ete tamata maketaru loko saisa
rebe eono kenasi kai malekate ibeteke Kwetele
mere eteise.



Ruele Yesuse me kota Betleheme,
otoi Yudea kena kamale Herodese
ipletare. Kena mere
tamata majusaru
esi luake me
Yerusaleme



bei otoi sapleuke lemataije sa kai
esi tneu susuike be, "Kamale
Yahudi rebe eku rueleIje Ietia?
Ami selu Eni kmalere bei otoi
sapleuke lematai sare hoko
ami lomei kena tatu lokoI."



Eleki kena Herodese
ilene lepate mere, ikoti
akbunike tamata
majusa meru eleki
itneusi be esi selu
kmale mere petuma ila.



Eleki iulake esi keu me kota
Betleheme kai ibeteke
lokosi be, "Imi keu
nikwa loko Kwetele mere
mimise. Kai kena imi
tetueNi peneka, imi
lomei beteke eteku be
rueleI etia leke au keu
tatu lokoI lekwe."



Esi lene lepata meru pela eleki esi keu. Kena esi selu
suike kmale rebe esi selue me sapleuke
lemataije sare, hoko lalesi ndina
titinai. Esi keu lulu kmale
mere eti erue panuhuke
luma rebe Kwetele mere
Ime kenare.




Eleki esi kusu lopai luma mere, esi selu Kwetele mere
kai inaI Maria, hoko esi nobo lope kai esi tatu lokoI.

Eleki esi rana mase, leite kemenyane
rebe esi boini ntelete kai leite
mure kena ono tanei pulue
more eleki esi rilukele ete

Yesuse. Eleki esi
kmani kena Alla
Ibeteke lokosi be
esi leu suike loko
Herodese yanoma.
Hoko esi leue
lalane
makete.



Kena tamata majusa meru esi
leu peneka, Yusupe ikmani
kena Tuhane Eni malekate
beteke lokoi be, "Herodese
inikwa Kwetele mere kena
bunuI. Hoko betu, naya
le Kwetele mere kai
inaI lopai nusa Mesire.



Imi rue ete mpaije eti
Au beteke etemu suike."




Eleki Yusupe ibetu, kai kena
kpetu mere neka, inaya le
Kwetele mere kai inaI lopai
nusa Mesire. Eleki esi rue
mpai Mesire eti Herodese
imata. Ele mere hoko
Tuhane Eni lepate rebe
akmena nabi Hosea
ilekire be:


"Au koti Auku Anare Ilean
bei me nusa Mesire," eonore
mere peneka.




Eleki kena Herodese irekwa
be tamata majusa meru esi
lemakeni, hoko inasu titinai.
Eleki iulake bunu kwete
mokwai me kota Betleheme
kai hena me keholire rebe
esi musuna lua lopere.



Le lulu tamata majusaru
esi beteke be esi selu
kmalere rame musuna
lua peneka.





Eleki kena Herodese imata
peneka, Yusupe ikmani kena
Tuhane Eni malekate
iaselukeni lokoi mpe Mesire.
Kai ibeteke be, "Betu rana
Kwetele mere kai inaI,
imi leu lori Israele le
sie rebe esi nikwa kena
bunu Kwetele mere esi
mata peneka."




Po kena ilene be Arkelause
iono kamale me otoi
Yudea seli amai
Herodese, hoko rilai
kena lori otoi
Yudea.



Eleki ikmani kena
hnaune bei Tuhane hoko
esi keu lori otoi Galilea.




Kena esi luake ndete otoi Galilea, esi rue kena hena sae me esi nane Nasarete. Ele mere hoko Tuhane Eni lepate rebe



akmena nabiaru esi lekire be, "Esi kotie Kwetele mere: Tamata Nasarete," eonore mere peneka.



Alla Ioki tamata mei nusa meije
titinai eti Iriluke Au, Eni Nanae
esane lomei nusa meije leke sire
pine ihlaleke loko Aure
isupu rue kai Alla
eti pela.



Roma 3:23 - Le pusue tamatare ite ono dosa peneka kai ite lau bei Alla Eni nkenale kai Eni misete.

Roma 6:23 - Le ono dosare ekeri kena matale kai rue lau bei Alla. Po tamata rebe esi esa kai iteki Tuhane Kristuse Yesuse pende, esi supu rue kai Alla eti pela.

Ibrani 9:27 - Saka Alla Ibeteke be tamatare imata rebai esa neka eleki namake pine Alla Iteu pakala etei.

Epsuse 2:8,9 - Alla lalaIje mise ete imi, hoko Iono imi hlamate le imi hlaleke loko Yesuse. Imi supu hlamate mere bei imi atula lokole mo, po mere misete rebe Alla Irilukele, kai mere hasile bei imi makerike mo. Hoko sae kwakwaeni be isupu hlamate bei ruai yake.



Roma 10:9,10 - Le sepo imi naku be, "Yesuse mere Tuhane," kai lalemi hlaleke be Alla Iono Ikwana suike, hoko imi supu hlamate bei hukume le imi dosaru.

Le tamata ihlaleke me lalei, hoko inkena me Alla oaI. Kai tamata inaku kena birui hoko isupu hlamate.

Yohanese 3:16,17 - Alla Ioki tamata mei nusa meije titinai eti Iriluke Au, Eni Nanae esane lomei nusa meije leke sire pine ihlaleke loko Aure isupu rue kai Alla eti pela.

Le Alla Iulake Au luake lomei nusa meije kena Au hukume tamata mei nusa meije mo po kena hlamate tamata mei nusa meije.



1 Yohanese - 5:11-13 Alla Eni lepate ete itere elere: Alla Iono ite supu rue mise eti pela peneka, kai supu rue mise eti pelare bei hlaleke loko Eni Nanare.

Tamata rebe iesa kai Alla Eni Nanare, namake isupu rue kai Alla eti pela. Tamata rebe iesa kai Alla Eni Nanare mo, namake isupu rue kai Alla mo eti pela.

Au leki sulate meije ete imi rebe hlaleke loko Alla Eni Nanare leke imi rekwa titinai be imi supu rue kai Alla eti pela peneka.



Matiusse 1-2; Lukase 1-2

Storyline by: Edward D. Hughes

Illustrated by: M. Maillot
and Alastair Paterson

Adapted by: E. Frischbutter; Sarah S.

Alune Bible (alp) © 2012, Wycliffe Bible Translators,
Inc. All rights reserved.

<https://live.bible.is/bible/ALPWBT/MAT/1>

©2024 Bible for Children, Inc.

www.M1914.org

www.bibleforchildren.org

